

Izjava OHR-a na konferenciji za medije međunarodnih organizacija

Nalog supervizora je u skladu sa Konačnom odlukom o Distriktu Brčko

OHR je iznenađen nekim komentarima datim nakon posljednjeg naloga kojeg je Susan Johnson, supervizor Distrikta Brčko, donijela 4. avgusta 2006. Njen nalog je u potpunosti u skladu sa njenim mandatom iz Konačne arbitražne odluke za Brčko iz 1999. godine.

Nalog supervizora pojednostavljuje primjenu zakona u Distriktu i eliminira pravne nejasnoće. Što je najvažnije, on je pokazatelj napretka koji je postignut u provedbi Konačne odluke o Distriktu Brčko, kojom je Distrikt ustanovljen kao stalna jedinica višenacionalne lokalne samouprave. Ukipanje primjene entitetskih zakona je značajan korak u procesu mijenjanja prirode angažmana međunarodne zajednice u BiH, vraćanja punog suvereniteta domaćim institucijama i unapređenja odnosa između Bosne i Hercegovine i Evropske unije.

Konačnom odlukom koja je donesena u martu 1999. godine prijeratna opština Brčko je uspostavljena kao nova institucija pod isključivom nadležnošću Bosne i Hercegovine i jasno je stavljeno do znanja da nijedan entitet nema zakonske nadležnosti u okviru granica Distrikta Brčko.

Konačna arbitražna odluka definira da entitetski zakoni ostaju na snazi tokom prijelaznog perioda dok nadležne vlasti Brčko Distrikta budu uvodili nove zakone Distrikta. Konačna arbitražna odluka navodi da će se entitetski zakoni nastaviti

da primjenjuju u Brčkom sve dok ne budu revidirani i harmonizirani i dok ih ne odobri Supervizor ili, uz njen pristanak, Skupština Distrikta. Supervizor, prema tome, ima obavezu prema Konačnoj arbitražnoj odluci da potvrdi Arbitražnom tribunalu da nekadašnja međuentitetska linija razgraničenja više nema bilo kakav pravni značaj u Brčko Distriktu.

To je upravo ono što je Supervizor i učinila, u skladu sa njenim mandatom prema Konačnoj arbitražnoj odluci iz 1999. godine kojom se naglašava status Distrikta kao jedinice lokalne samouprave pod suverenitetom države BiH.

Nalog Supervizora donesen prošle sedmice predstavlja pozitivan razvoj događaja i od državnih i entitetskih institucija se zahtijeva da konstruktivno sarađuju sa Distrikтом na osnovi Ustava, Daytonskog mirovnog sporazuma i Konačne arbitražne odluke.